

Агитатормуд ургъц хуралгънд болн буудă орулдж өглгънд

Мана советск орн-нутг Алдр Октябрьск социалистическ революцин 40-ч өбниг ик байртагъар тослгънур йовдж йовна. Эн олн-амтна байрин өд-риг сăанăр угтхин кергт Яшалтинск района куч-көлсчир өргн ик социалистическ дөрлдă делгрүлдж йовна.

Района өргн теегар ургъадж авсн тарăгъан йилгъу сăанăр хурадж авхин төлă ноолдан кегдв. Ургъциг ахр болзгин дотр хурадж авч, государствд буудă орулдж өглгъиг хурдар өхин кергт бидн оньган тусхадж кōдлвдн. Эклц партийн организацн эн төриг өмн нүүртан тăвдж, политическ кōдлмшан колхозник, механизатор, кōдлмшч кун болгънд кургдж кешхăв.

Района куч-көлсчир 10 хонгин эргид ургъцан хуралгъиг дуусх, июлин 20 күртл государствд буудă орулдж өгх зурагъан кұцах даалгъвр авсн. Мана агитатормуд эн даалгъврин эргид кōдлмшан делгрүлв. 11 агитколлектив районд бүрдăгдсн, эднд 242 агитатор кōдлмш кедж йовцхана. Эдн нургълдж коммунист, комсомольц улс, цугтан бригад, агрегат болгънд тархагддж тăвгдв.

Яшалтинск МТС-н агитколлектив сăанăр кōдлджанă. Энуна гардач ұр Д. Н. Баранов таслвр угагъар агитатормудин кōдлмшинь гардна. Тиигад агитатор улсин кұцадж йовх кōдлмшнь сан диилвр кұцхд донь-нөкд болджана.

Агитатормуд олна цăалгъврин, политическ кōдлмш сăанăр делгрүлдж, куч-көлсиг

бурдăлгънд кергтă донь-нөкдан кургдж йовцхана. Эн МТС-н парторганизацин агитатор ұр С. Е. Катюхин тракторн 7-ч бригадин улс дунд таслвр угагъар кұүндвр кенă, газет умшдж өгнă, кōдлмштин дамшлт гархла, терүг хурдартархахар зүткнă. Ново-Александровск района селанă эдл-ахун кōдлчирин дуудв-риг механизатормудт гұунăр цăалгъдж өгв. Иим кōдлмшин ашднь лафетчикуд А. Пономарев, И. Круглин эдн өдр болгън 52—58 гектар ургъц хадджацхав. Бригада ода МТС-д негдгч орм эзджана.

Тракторн 10-ч бригадин агитатор, КПСС-н член ұр Н. Малеванный „Боевой листок“, „цăклгън листок“ гаргългъиг, социалистическ дөрлдана дигинь келгъиг сăанăр бурдав. Агитаторин шундж кеджăх кōдлмшнь кұцвртă болджанă. Бригадин комбайнермуд нургълдж ұзмджтă болдгар кōдлцхăдж йовна. „С-4“ комбайнар ұр Г. Зубченко өдрган 39 гектар кургдж ургъц валкас цуглулдж авна, гарчах буудань гектар болгънас 20 центнер кұрв.

105-ч совхозд куч-көлснă неран хальмг комбайнер Иван Камнюков туурулдж йовна. Өдр болгън эн „РСМ-8“ комбайнар 37 гектарас багъар кеш. Эн—совхозд нернь туурсн, түрүн орм эздж йовх кун. Энүнднь агитатор, ВЛКСМ член Намрова Рая ик доньган кургв. Камнюковин кōдлмшин дамшлтин тускар листок гаргъдж тархахд Намрова шумнгагар орлцв.

Эн кевар кōдлмшан бурдăдж, кōдлмшин өмн нүүрт йовцхах улсин дамшлтиг түргар тархахин төлă ноолддж йовцхах агитатормуд дунд Соленовск МТС-н парторганизацин сеглатр ұр В. М. Рыжий, „Новый мир“ колхозин эклц парторганизацин агитатормуд И. Хворост, О. Пшеничная, М. Мелешко эдн йовцхана.

КПСС района комитет, ургъц хуралгънд 2 агиткультбригад бурдăдж йовулсн, тедн 40-гар дакдж нар-би ұзулцхăв.

Района лекторск баг колхозникудт 35 лекцс болн докладмуд умшдж өгв. Эдү дуньгă тоота докладмуд, лекцс ургъц хуралгън төгстл бас умшгдхмн. Лекторск обществин чледуд, талдан, 30-гар лекцс умшцхав. Лекц дара-даранднь умшцхадг улс: Малик, Ганшин, Годицкий, Очилов, Мазин, Баранов.

Социалистическ дөрлдана йовудин тускар илткдж олнд дигинь кургдж медүллгънд агитатормуд ик нөкдан кургцхăв. Бюллетеньс гарна, куч-көлснă дигинь бичдг доскас бăанă, мөрăллгън кегднă.

Олн дунд иигдж цăалгъврин болн политическ кōдлмш делгрүлдж, социалистическ дөрлдăг тодрха кергүр тусхадж кедг учрар диилвр кұцвдн.

Авсн даалгъвран Яшалтинск район июлин 9 кұцадж, 47174 гектар газрт ургъц хурадж авб. Дару болзгт государствд буудă орулдж өгх зурагъан кұцахд ода оньг туслжана.

Н. КАРПУН,

КПСС райкомин пропагандин болн агитацин отделин заведующ.